

宋

會

要

全唐文

宋會要 和糴

宋時市糴之名有三和糴以見錢然之博糴以他物爲
之便糴則商賈以鈔引給之太祖建隆中河北穀賤添
價散糴以惠貧民自後諸道豐稔必詔諸道漕司增價
和糴

全唐文

宋會要

和糴

仁宗朝以左藏三十萬應河北和糴之用時韓琦論和
糴價不高於市糴何人肯糴與官 神宗嘗以六十萬
充江淮和糴

全唐文

宋會要

淳熙元年四月五日成都府路安撫使薛亮明言近于
嘉州雅州永康軍糴米寄廩以備賑濟緣近年諸司與
州郡例多侵用不以去官赦降原減後之七月十七日
戶部言今幸歲豐乞嚴戒諸路提舉常平官將見管糴
本并借撥閑慢窠名錢疾速盡數收糴十日一具所糴
之數奏聞從之十二月二十日詔今歲江西路豐稔今
本路漕臣委官於豐熟州軍置場依市價收糴二十萬
石左藏南上庫支降本錢三十萬貫其糴到米令守臣
認數稽管

二年九月又于左藏南上庫支降本錢

二年

十月二日詔淮東總領錢良臣分委官於逐州府同職
官一員置塢收糴秀州七萬五千石湖州七萬五千石
平江府十萬石起赴本所樁管本錢於鎮江府樁管朝
廷銀內支降中書門下省言湖州秀州
平江府今歲豐熟故也三十日詔四川
總領所將民間和糴米斛常歲並依已立在新倉交納
一乾道元年降本委江東轉運沈樞收糴米斛除已糴
到外尚有在本錢可以糴米二萬餘石乞收糴赴行在
新倉送納以上共計八十七萬石並係新倉樁積之數
後之閏七月二十八日敷文閣直學士左朝散郎劉珙
言和糴之弊湖南江西為尤甚朝廷知其害故嘗下蠲
免之今矣遠方之民舉手相賀曾未數月又復分拋州

縣既乏緡錢將何置場收糴民間關子無用則與白著
一同每歲諸路綱運欠折必以千計多以萬計取之此
損之政僅有以革綱運之弊自可減和糴之數乞降詔
鑄和糴之數絕白著之害以裕民力後之宰執進呈劉
珙劄子及進呈江西湖南常平米數上曰可於江西取
十萬湖南五萬以充和糴之數令兩路繳回元給降閔
子庶幾不致科擾百姓為一方害也八月十三日戶部
侍郎曾懷等言兩淮今歲豐熟可以就便和糴乞於揚
州高郵軍和州并六合巢縣令逐處守臣縣令措置置
場起此秋成依市價各和糴米三萬石共一十五萬石
就逐處樁管即不得科抑減勉強擾所有本錢于建康

鎮江府糴常平米見在本錢支撥三十萬貫如有不足
錢數即於淮東茶鹽司合發今年寬剩鹽本錢內接數
支撥令逐州守臣縣令盡本收糴從之九月二十四日
臣僚言伏見前月以來天作淫雨江浙淮閩皆被其害
陛下憂軫百姓夜不遑寐祈天禱神罄竭情懇故能銷
去積陰轉禍為福然稻穗之在田未刈者經此巨浸已
同腐草高田雖無甚損亦多芽孽穀粟稷麻或成絕望
然則今歲通諸路計之不得以為豐年明矣乞詔戶部
將已拋下和糴米斛之數更議撙節如果不可減則乞
行下逐路轉運司令約束州郡只得以官錢措置坐倉
收糴無得彊配於民從之十一月二日南郊赦昨降指

揮兩浙江東路州軍人戶有田一萬畝出糶米二千五百石未納米數已降指揮並與除放所有八千畝以上合出糶和糶米一千五百石未有該載可令漕臣將未拘收合出糶米數並與除放同日南郊赦今歲拋下諸路州縣和糶米斛已降指揮令轉運司措置收糶毋得扣配其間災傷去處隨輕重減除數目更不均下他收糶十二月二日詔戶部支降三合同閏子一十萬貫應副湖廣提領所量州軍事力均撥收糶其已給降茶引二十五萬貫仰本所相度如委實變轉不行即盡數繳納赴行在在本路提領雖世明請也四年五月三日戶部言朝廷每給降見錢關子未茶引度牒乳香品搭銀

下江浙州軍和糴米斛訪聞多不通元降指揮置場和
糴却於民間科敷收糴實為騷擾理合別行措置今更
不給降度課閔引欲改除新印會子品搭錢銀支降本
錢一百二十五萬貫每石大約價錢二貫五百文有收
糴五十萬石鎮江府一十萬石計本錢二十五萬貫會
子一十四萬貫銀五萬五千貫見錢五萬五千貫建康
府二十萬石計本錢五十萬貫會子二十八萬貫銀一
十一萬貫見錢一十一萬貫池州五萬石計本錢一十
一萬五千貫會子七萬貫銀二萬七千五百貫見錢二
萬七千五百貫隆興府一十五萬石計本錢三十七萬
五千貫且每石作二貫五百文科降緣本府米價比之

其餘去處低賤仍將糴本使不盡撫州建昌軍亦自荒
歉不得客人船運本府難以收糴乞賜蠲免詔江西轉
運司依隆興府所申提前項所糴米一十五萬石拘收
本錢均撥于本路豐熟州軍專委守臣措置收糴五
年七月二日詔左藏南庫支降會子一百二十八貫均
付三總領所候秋成收糴米斛另項橋管不得擅行支
用以太府少卿總領淮西江東軍馬錢糧葉衡言今夏
自二麥收成之後米價日就減損乞支降官會數百萬
道付三總領司起時兌易錢銀收糴米糧以為儲蓄之
備政也六年正月十四日戶部尚書曾懷等言訪聞
從來委官置場和糴米斛多是被牙儉公吏與中賣之

人通同作弊比之市直高擡價例竊官錢所委官恬不
看察或糴濕惡米斛不耐久貯因而腐爛失陷官物今
米已降本錢令浙西江東湖北和糴竊慮循習前弊欲
下三總領所及兩浙江東湖北轉運司嚴行約束所委
官究心措置起時收糴乾好米斛如敢依前作弊仰具
名奏劾重寘典憲後之十七日詔左藏南庫支降會子
十二萬貫均付兩淮總領所差官置場收糴馬料十萬
石四月十五日戶部侍郎江浙荆湖淮廣福建等路都
大發運使史止志言戶部去歲降本錢三百九十五萬
餘貫每斗約三百文者為率約糴米一百三十萬石今
乞依例支降上件銀會充本即係戶部今秋合降之數

從本司分拋豐熟州軍隨市收糴詔於戶部窠名錢內
支撥錢一百四十萬貫充糴本使用五月八日淮南路
轉運判官胡昉言本路二麥苗稼豐茂倍如常年向去
收成必廣唯是水鄉低下去處無麥可收兼民間闕錢
竊慮難于收糴乞令逐州軍支降銀會三二萬貫依市
價收糴積貯候朝廷科撥或水鄉有關食人戶于內
賑借候秋成日却令拘收米斛送納詔令發運司依所
乞措置十月八日宗正少卿兼權戶部侍郎王佐言竊
見行在日來街市米價增長蓋緣官司和糴價數日增
竊慮日後愈見翔貴有妨細民食用今將納到綱運并
見在米約度可以支充乾道七年歲計使用乞將倉倉

坐倉并和糴場所糴客米並推行住糴其糴本錢却行
椿管候米價稍平日依舊收糴詔戶部出榜曉諭十二
月十六日詔江西委龔茂良湖南委司馬倬專一措置
於豐熟軍州收糴不得騷擾闕誤以中書門下有言昨
來江西湖南每歲各有和糴米數近年兩浙州軍豐熟
推行住糴今歲淮浙間有水旱去處恐誤來年歲計理
合措置依舊收糴欲令江西湖南轉運司各行下所部
州軍和糴米二十萬石降本錢三十萬貫江西米起赴
建康府總領所湖南米起赴鄂州總領所椿管仍逐旋
具糴到米數及價錢水腳錢申尚書省二十一日戶部
言兩浙州軍乾道六年分有未起椿額降本錢一十七

萬一千七百餘內紹興府二萬七千七百七十餘貫衢州五萬四百三十貫六百三十文台州四萬六千二百八十貫處州七千五百貫明州三萬一千五百貫秀州八千二百一十六貫七百四十八文乞將逐州前項未起發錢委兩浙漕司於豐熟處置場委官收糴米斛前來豐儲倉送納後之 七年二月九日戶部言昨承指揮令兩浙轉運司分拋得孰州軍收糴馬料五十萬石於內起發四十萬石赴建康府總領所承今年正月二十一日指揮推行往糴近據本司申已糴到二十三萬餘石外有糴數多若行往糴竊慮有悞軍馬支用秀州元糴一十萬五千石已糴三萬二百五十七石七斗

未糴七萬四千四十二石三斗平江府元糴一十萬五千石已糴二萬九百七十石三斗未糴八萬四千二十九石七斗常州元糴一十五萬石已糴七萬五千五百九十石五斗一升未糴七萬三千四百九石四斗九升江陰軍元糴四萬石已糴三萬石未糴一萬石鎮江府元糴一十萬石已糴七萬五千石未糴二萬五千石已上共五十萬石除一十萬石就秀州椿管外有四十萬石並赴建康府總領所送納詔除秀州住糴外餘依五月十二日權吏部侍郎燕侍讀王之奇言四川總領所和糴軍糧通水運州軍本所自行和糴水運所不通者和糴於民又以不足之數免糴利路沿邊諸州稅米將

有名無實之錢比折價直虧損常賦以至邊州空虛官
吏請俸軍兵衣糧皆無以支給不免誅求於民常賦之
外又有此橫歛甚非實邊之策乞行下總領所應兌買
諸州稅米並行蠲免令本所自行措置置場收糴從之
十三日中書門下省言江淮兩浙湖南北京西州軍今
歲二麥豐熟倍於常年理合措置收糴太麥播充馬料
支道欲依下項淮東委徐子寅浙西委胡堅常鎮江府
於樁管朝廷會子內支撥四十萬貫付蔡洸收糴二十
萬石與見樁米一處樁管以淮東總領蔡洸言本所樁
管米除取撥外尚有米一萬六千餘石雖近蒙指揮令
江西和糴米內取撥一十萬石赴部所樁管若無拖欠

除綱運破耗外通不滿十萬石乞科降官會本錢付所
委官諸處置場依時價收糴同本所見椿米一處椿管
故有是命十月十七日大理正兼權吏部郎官馬大同
言被旨差措置拘催江東轉運司和糴米斛今條具下
項 一江東運司糴米本錢內度牒五百道恐期限既
迫難以變轉凶荒之年猶仰密舟興販二廣及浙西米
前來出糴今歲二廣更旱浙西米價亦自頗長竊恐將
來本路必至大段闕食乞於沿海平江鎮江等處朝廷
封樁米內支撥和糴米五百萬石付泉州福興化州賑糴
內泉州福州各二萬石興化軍一萬石令遂州自備舟船
前去般取依元和糴本錢價認還朝廷故有是命十一

月一日詔令本州將今來已糴米斛並認數以新易陳
椿管以權發遣處州李處全言昨準本路提舉常平司
給降下度牒四十道官會二萬貫遂行措置召到重行
將米博換度牒及糴到米共一萬二千五百四十八石
一斗除賑濟過二千石七斗五升糴過米四百四十一
石七斗五升外見管米一萬一百五石六斗續將糴過
米錢一千二百六十二貫一百四十三文再糴到米四
百三十五石二斗二升每石價錢二貫九百文共管米
萬五百四十八石二升椿管常平倉故有是命 十
二年正月二十八日詔令江陵府將已糴還米並拘就
府倉認數以新易陳椿管以知江陵府趙雄言昨具奏

取撥朝廷糯米于今歲春夏賑糶府縣軍民倉用共糶
過米七萬五千六百八十四石八斗八升三合淳熙五
年米每升一十九文淳熙九年米每升二十三文拘收
到價錢一十六萬四千五百七十五貫五百三十三文
從準指揮候秋成糶還本府今秋早晚稻收成即日已
依元糶過米數補糶到米七萬五千六百八十四石八
斗八升三合每石價錢不等自一貫六百文至二貫五
十文共用過本錢一十四萬六百五十五貫三百九十
四文其米並據倉官并諸縣認數如法椿頭內諸縣米
候春永生即令起發赴府一處椿管外有餘剩本錢二
萬三千九百二十貫二百三十九文約可糶米一萬二

千餘石見今接續收糴十三年二月六日宰執進呈江陵府奏續糴樁管米王淮等奏向者江陵府借米賑糴已將錢一十六萬糴米今又以餘錢糴到此米又得以新易陳上曰旦救了多少饑民看來常平法豈不是好五月二十八日上謂王淮等聞總司糴米皆散在諸處萬一軍興而屯駐處却無米臨時綱運如何來得豈不誤事可使契勘如要害屯軍去處有樁管米若干大抵賑糴米可逐歲循環以備凶荒若是樁積米須留要害屯軍所在庶幾軍民皆有其備七月二日詔令趙汝誼於建康府務場見樁管或使閔子寮各兌下會子四先次取撥一十五萬貫委官就米石倉措置依在市時直

糴米椿管以臣僚言伏見淮上州軍逐處皆有椿管米
斛建康鎮江府大軍屯駐又有總司錢糧唯太平州采
石鎮係沿江要害去處去歲當塗圩田為水所決民間
艱食州郡必無贏餘可以儲備訪聞淮上去秋成熟淮
人多有載米入浙中出糴不行今來秋成在近望望先
次支將本錢付總領所及時措置和糴就米石倉收貯
誠為利便故有是命八月三日詔令司農寺將見在本
錢疾速起時依減定價直措置收糴以司農寺言近承
支降會子五萬貫收糴椿管馬料已支二萬六百六十
餘貫糴料一萬四千四百三十餘石見在錢二萬九千
三百三十餘貫可糴料二萬二千五百六十餘石故有

是命四日右正言蔣繼周言朝廷和糴稽管米頃年以就戶部委差郎官或差司農寺官及於諸倉倉官中選差有才幹者糴數雖多亦能了辦近年差提領官又置機察官三員人吏人從數十名請給等費蓋亦不久前年和糴八十萬石雖能及數而近日事覺見送有司去年所糴止及四十萬石議者皆謂向來未曾別置官吏而和糴不聞有關年來別置官吏而和糴不聞有增置官吏既多阻節亦衆故客米不願售邪又兼別置官吏欺弊多端糴畢罷去誰任其責乞檢照乾道淳熙以來前累年差官體例依舊施行其續置官吏乞今後更不別差從之六日四川總領所言準淳熙十一年五月二

十九日敕知興元府張恣奏金州洵陽上津兩縣旱荒
民闕食乞於安撫司買馬錢內支撥一萬貫應副收糴
物斛奉旨令四川總領所指置增糴一萬石就金州樁
管本所並已收糴數足每石價錢七道共計錢引七萬
道乞於宣撫司樁管窠名錢內支撥從之二十五日詔
令封樁庫更支降會子五萬貫接續收糴馬料樁管截
日已糴過三萬三千三百八十餘石價錢不等其用過
錢四萬四千四百餘貫目今止有見在錢五千六百餘
貫文可以五七日間糴足竊緣馬料稻子係用早穀今
來正是秋成早穀到來數多每石一貫二百文宜趁此
價平廣數收糴故有是命十月十四日詔司農少卿吳

煥就豐儲倉起時和糴米二十萬石合用本錢於封樁
庫先次支降樁管會子四十萬貫 十三年正月二十
三日詔太平州守臣將蕪湖采石倉已交收到米一十
萬石並認數以新易陳樁管以太平州言近準省劄淮
西總領所申收糴樁管米三十萬石數內二十萬石從
已降指揮對撥網米赴和州等處樁積內和州一十萬
石蕪湖采石倉各五萬石故有是命四月八日以江西
運判王回言先奏乞將本司舊有積備錢措置和糴米
以備水旱奉旨令取撥三十萬貫充支用本司尋互差
鄰州縣官前去吉撫筠州臨江軍及本司五處置場招
邀客人中糴今據已糴米共一十五萬五千九百一十

八石一斗一升共支錢三十萬貫文所有合支撥發本錢水脚及官吏食錢等並係本司自行出備其米已各委官盤量並是着實見樁官在逐州軍及本司倉廩詔王回將前項糴到米斛並本司認數就逐州軍樁管七月二十五日淮西運司言準指揮將本路入糴十四年分馬料合截發本錢盡付和州候今秋成熟就糴屯田諸莊食不盡稻穀令本司同建康都統相度本司乞令舒蘄州無爲軍從例料撥準熙十四年馬料本錢起赴和州今秋成熟令和州照例取撥本州合截窠名同三州起到錢數照去年已行事理就便糴屯田諸莊耕兵願糴食不盡稻穀撥赴本州收樁支遣建康府都統制

郭均等乞從准西轉運司所申詔從之如將來市價高
於元科之數須管運司貼湊取足毋致虧損閏七月四
詔令趙善俊將已糴到米認數以新易陳椿管以知鄂
州趙善俊言近準省劄付將湖廣總令所出豁糴米本
錢內除豁續賣金會子九萬一千六百貫七百文赴鄂
州令守臣糴米椿管尋收糴到米四萬五千八百石三
斗五升每石價錢二貫文共支過本錢九萬一千六百
貫七百文故有是命十八日詔令制置司同帥漕司下
那融措置收糴毋致後時以權發遣施州趙定言頃年
夔路偶闕軍糧失於預備以鹽代支欲當此豐歲廣行
收糴以備軍儲之乏故有是命八月二日詔令提領封

稽庫所支降會子一十五萬六千二百六十九貫付淮
東總領所三十二萬六千三百一十二貫付淮西總領
所三十萬貫付湖廣總領所並充今年和糴樁管米錢
支用八日詔令湖廣總領所照應已降指揮分撥價錢就
江陵府糴米二十萬貫委本府認數樁管知江陵府趙
雄言今歲湖北諸州雨水霑足稻田大畝豐歲自朝廷
量降本錢分委諸司及本府糴米五六萬斛同見管樁
積米一處於城中安頓略計可與軍民官吏儲蓄半年
之糧續又奏乞量降本錢且令本府糴一十萬石同見
管官米一處樁積可以就目前穀賤傷農之弊檢會湖
廣總領所狀準指揮印降一貫五百例湖北直使會子

二百萬貫赴總領所收換會子。先次收換到舊破會子二十萬貫，附綱赴左藏西上庫送納。外照得見在新會子一百八十萬貫，未有續申，已換數日。并鄂州大軍庫會子一十四萬餘貫，搭管勘會秋成，在近米價低，平合依年例和糴。橋管米斛奉旨提領到橋庫所支降會子三十萬貫，轉前項見橋管一十四萬貫，并於未收換會子內取撥三十六萬貫，共作八十萬貫，委湖廣總領和糴米六十萬石，仍照應年例差官就沿流豐熟州軍湖北京西屯軍去處置場招糴。限歲終了，足毋虧稍有科抑作弊。故有是命。二十四日，淮東總領所言近準指揮給降本錢令本所鎮江府并淮東路沿流豐熟州軍

置場收糴樁管米五十萬石限歲終了足本所差官置
場招誘糴買外昭對鎮江府止管三邑所產不多全仰
淮東州軍豐熟云處收糴緣今歲高郵以西至楚州一
帶旱傷兼今來所糴米數浩瀚竊慮郵路諸司差人前
來淮東所批地分撥幹爭糴却致米價增長難以辦集
乞下逐州遵守勘會四降指揮委淮東西總領各和糴
米五十萬石內淮東總領令差官就鎮江府并淮東路
沿流豐熟州軍置場收糴淮西總領令差官就建昌府
太平州池州并淮西路沿流豐熟州軍置場收糴既有
分定去處自合各行遵守詔令淮東西總領所各遵依
已降指揮疾速施行九月十七日詔令湖廣總領將江

西旱傷州縣與免和糴以臣僚言今歲諸路豐稔而江西吉州等處却有旱傷照得所降和糴指揮湖廣總領糴六十萬石數內江西亦有收糴去處恐未直自此稍貴實為非使故有是命十月五日詔司農寺糴米每石作二貫二百文價大賤可增一百以利農十二月十八日詔淮東總領吳瑤今年和糴米五十萬石率先了辦可特轉一官十四年正月十八日宰執進呈江陵府糴米數上曰趙汝誼糴米數足雖在吳瑤之後然相去不甚遠亦不可不激勵可減三年磨勘四月二十七日詔江東轉運司將年例馬料五萬石委官置場依市直糴買不得科敷州縣以臣僚言乾道八年移屯馬軍于

建康府歲糴馬料五萬石令本路轉運司截撥上供錢
充糴米本每穀一石給錢一千二百以為定額轉運司
分拋下近江諸郡收糴起發至淳熙四年淮南漕臣忽
以淮甸秋成穀價極賤為請續有指揮併將江東路元
給本錢頓減三分之一且如去秋號為大稔臣體訪得
馬料穀價如池州等縣每糴一石為錢一千有奇其願
船綱與水腳錢之費每石為錢三百有餘則是一石之
料官給本錢八百而民之貼錢幾於六百矣乞依乾道
元給本錢之數專委轉運司措置糴不得敷之諸州縣
實斯民幸甚奉旨令戶部看詳本部照得近年州軍例
皆豐熟所降價錢每石八百文省己是均平難以用元

給本錢之數若日後時價稍增即仰從實具申增添所
是專委轉運司措置收糴勿敷之州縣一節今欲下江
東轉運司條具故有是命五月二十七日四川總領趙
彥通言每年充買成都府路彭漢綿州石泉軍秋料者
稅米二萬餘石支移赴綿州應副支遣所屯將兵內彭
州每歲計四千九百六十四石有畸緣彭州去緣州地
里最遠兼本州更有支移赴威茂州管下五城寨遠倉
軍糧八十餘石每年百姓遠輸往返勞弊本所昨自淳
熙四年為頭措置委官就綿州置場糴買應副不開膏
且奏乞將彭州淳熙四年秋料合支移赴綿州稅米權
住一年如日後準此措置不開即乞永遠蠲免庶幾民

力稍蘇已奉旨依奏臣照得綿州贍軍倉則日所管收
糴到軍糧可以應副今年分支遣不闕所有彭州淳熙
十四年秋料合支移赴綿州稅米乞更與蠲免一年從
之七月三日詔禮部給降度牒六十道付兩浙西路提
舉羅點充糴本以備賑卹先是羅點乞為早備欲預先
會計收糴為他日之用故有是命二十二日詔江西湖
南州縣今歲間有闕雨去處可各給降度牒三百道付
兩路提舉常平司隨宜措置收糴米斛每道依例價錢
七百貫聽人戶以錢銀會子從便請買毋得稍有科敷
其米並別項稽管專備賑濟賑糴支用九月十一日江
西提刑馬大同言夏秋以來早暵為虐必須糴米以為

準備照得提刑一司有捕盜賊賞錢江西激賞庫內舊
有四萬貫吉州秋估傳贓人家業出賣解到一萬七千
餘貫通及六萬餘貫乞將此錢往豐熟地頭趁時收糴
約得米三萬餘石本路州縣數內據江州興國軍申旱
傷最甚臣除已撥錢二萬貫借江州興國軍各一萬貫
充糴本外自餘尚有三萬貫却聞廣南循梅諸州興贛
州龍南安遠接近今歲大稔亦一面選委官吏前去置
場收糴候向去搬發往諸州縣徑自賑糴昨來有不許
諸處遇糴指揮乞檢舉申嚴行下從之十二日詔封樁
庫支降會子五十萬貫委浙西提舉羅點和糴米二十
萬石淮東總領所取撥鎮江府見椿管會子一十九萬

貫湖廣提領所取撥鄂州并大軍庫見稽管會子共三

十萬貫並各照例選官就豐熟去處置場

內浙西提舉
平江府置場

招糴堪好米斛仍一面取見實直開具申尚書省毋令

稍有科抑 十五年正月九日詔准東轉運司於揚楚

州高郵軍見稽管料內共取撥馬料一十萬石發赴建

康府就近倉廩稽管準備淮西總領所以新易陳用

其船脚糜費照例支降三月二十五日提四川財賦軍

馬錢糧所言利興興州大安軍并成鳳州合和糴應副

沿流諸處屯駐官兵馬料大麥所有淳熙十五年歲用

之數本所自置場糴買已足更不分科百姓詎更權免

一年四月二十五日司農寺言省倉和糴稽管馬料近

承指揮權住收糴月具市價申取指揮本寺照得見糴
經常馬料既是有興販入中亦合一體住糴緣經常
馬料見管不多約支月日不遠目今有管糴料錢六萬
餘貫並在豐儲倉令項安顏內見錢二萬八千五百貫
以客人久例見錢不許出柵蒙戶部將金銀兌換今諸
倉見管朝廷指管馬料一十九萬餘石今措置欲以即
月市直每石一貫二百文有管經常金銀錢會六萬貫
乞糴指管馬料五萬石應接支遣庶得發池陳料不致
積壓候向去稻上市接續照市價收糴依數指管使之
十六年正月六日兩浙路運副耿秉言去歲科降殿步
司馬草錢計二十七萬七百餘貫已承指揮令戶部科

撥本年月椿經總制等錢自六月止九月分作三限發
納應副今後準此所有淳熙十六年分合科錢數乞令
戶部依年限米石取撥從本司先次一面拘催庶幾可
以照限辦集從之淳熙十六年四月十日四川總領所
言利閬興州大安軍并成鳳州合和羅應副沿流諸處
屯駐官兵馬料每歲八萬石自淳熙四年後置場糴買
遇年無闕更不分科百姓乞下逐州曉諭詔更權免一
年自紹興元年至
五年亦如之六月十二日宰執奏事畢上宣曰
曰今歲所至有秋成之望卿等可預行計置和糴以廣
蓄積仍具見在米數及將來收糴數來豈數不常似此
年歲不易得也十六日詔封樞庫支會子八十萬貫付

淮東總領所五十萬貫付湖廣總領所專委趙師魯梁

總令項椿管以備糴米使用淮東糴米五十萬石湖廣三十萬石七月二

十一日中書門下有言秋成在近米價低平依年例和

糴椿管未斛以廣儲積詔司農少卿韋璞和糴米五十萬

石合用本錢於封椿庫椿管會子內合作料次支降自

每歲節次降旨委司農寺長九月六日又言淳熙十

六年上半年舒州有剩錢到錢錢八萬四千二百六十

餘貫新州有剩錢并去年見在等錢共八萬一千五百

餘貫各已降指揮令糴米椿管深慮逐州所產不敷却

有科抑詔令淮西運判王厚之體訪見本路委是得熟

可以糴米去處即將舒州見在錢錢措置分糴十七日

詔淮西總領張抑和糴樁管米四十萬石今分委官諸
州收糴其糴本錢於總領所樁管下會子七十萬七千
六百餘貫數內支撥或本錢不敷許從實申乞支降又
本所將樁場撥運備過樁管錢一十萬貫建康府場認稅務登支用同日詔淮西江東
和糴馬料令丞路漕司措置依時價收糴不得分料州
縣敷擾於民自乾道七年移屯馬軍于建康所用馬料
每歲撥上供錢令江東漕司糴五萬石淮西漕司糴六
萬石每石定價一千二百文偶淳熙四年淮甸大稔減
價一半遂為定例由是州縣不復置場只以物力高下
科抑人戶其後江東臣僚陳乞增作八百文而淮西如
故至是臣僚言歲有豐歉穀有貴賤自古和糴每因時

而立價無一定不易之理且江東已行而淮西邊鄙不
容未霑恩賜故有是命十一月一日殿中侍御史范處
義言三總領所和糴乞用淮西例體訪沿流州軍視其
熟之上下隨多寡分糴或于元數不敷許其陳奏仍申
嚴科抑之弊從之十二月五日詔封樁庫支降會子四
十萬貫令浙西提舉張體仁就近便出米去處和糴米
二十萬石赴豐儲倉樁管

全唐文

宋會要均糴

徽宗政和元年五月十七日熙河蘭湟秦鳳路宣撫使
措置陝西河東路邊事童貫奏乞下轉運司推行均糴
之法詔依所奏不得因緣作弊搔擾及糴買不均等仍
委提刑提舉常平司走馬承受常切覺察按劾以聞當
重行典憲所有河北河東仰逐路監司限半月同共從
長相度委實可與不可施行有無窒礙未盡事理保明
詣實入急遞聞奏二十九日又言均糴之法鄉村若以
田土頃畝均敷則上等所均斛斗數少實為優幸下等
均定斛斗數多不易供辦如以家業錢均則上等所均

斛斗數多下等人各均定斛斗數少委是兩事利害不同轉運司具到坊廊戶均數目看詳欲乞依久例只於家業錢上均糴詔今年五月十七日已降指揮童貫奏陝西均糴斛斗若只坊郭鄉村等等均定石數收糴緣元定等第內家業錢徃徃不等謂如家業錢六千貫文至一萬貫為第一等之類作一等均糴切慮法行之後不得均濟下轉運司攤定一州一縣合糴都大石數會計一州一縣逐等第都計家業錢紐算每家業錢幾文合糴多少石斗所貴均一已行下訖今乞令陝西轉運司並依今來所奏事理施行十一月一日都省言河北路轉運司陳亨伯奏元降陝西均糴畫一諸州縣官戶

即無減免之文本路州縣已一例均定石斗料納詔官
戶無減免之文多係停蓄斛斗之家可依所奏二年
七月二十八日詔逐路轉運司各據本路逐路合糴斛
斗數目以本縣人戶見今均敷役錢文簿籍定合納錢
數於役錢數上紐算合均糴之數均與逐戶如有畸零
闕剩之數並只就整收糴零數即免內坊郭第六等以
下鄉村第五等以下免均即人戶所出役錢數多致所
均之數艱於送納者仰所屬州縣轉運司量減應今米
均糴並依青苗法先期支錢候至合送納時月若遇豐
凶貴賤不同以有餘不足通計謂如元支散時詔米一
百文後却賤止七十即添糴三分又却貴三分即減三

分之類餘並依奏糴法施行八月三日尚書省言七月二十八日已降指揮三路均糴斛斗今措置約束均糴法州縣不得常行並俟朝廷降指揮方許均糴不應均而輒均若不依後錢或多寡不均者徒二年吏人配千里不前期支錢或斗價支錢增減不實者加一等吏人配一千五百里亡取若減刻所均錢者以自盜論贓輕者配一千里從之三年九月二十八日尚書省言今歲大稔物賤傷農除災傷經檢放去處奉聖旨今諸路轉運司以諸司封樁錢量行均糴一次契勘三路已行均糴法其諸路合遵守三路均糴法施行四年六月二十二日詔諸路均糴差到非見請重祿人內人吏每

日添支重祿錢三百專斗錢二百仍於寬剩後錢內支
給從廣南西路提舉常平司請也十月二十三日詔自
今均糴斛斗須管先椿見錢方得均糴如違官員徒一
年吏人配千里以尚書省言河陽縣及孟州溫縣百姓
訴納過均糴斛斗不曾支錢詔官吏罰銅有差兼有是
詔五年正月二十二日河北東路提刑司奏准朝旨
滄州無縣民昨發政和元年内輸均糴白米每斗支價
錢六十至四十政和二年內又斗支一二十而市價為
百二十并今體量到逐年均糴白米價例比街市私糴
價錢委有低少錢數緣係逐年本州估定行下本縣依
價均糴詔均糴當用市例當職赦宥特免黜責今後如

或虧損當重得降黜諸路依此五月十三日詔河東河北三州自去歲旱霜田苗不收漢蕃人戶類皆闕食可權罷今年均糴候豐熟依舊宣和七年五月九日德音京東河北路州縣勘會去年八月已降指揮河北一路均糴斛斗共八十一萬石其間有因災傷人戶全不曾送納及送納未足去處切慮官司為見今歲二麥豐熟便行催納其不曾支請價錢人戶未納斛斗並與放免已請糴本人戶及先借諸司斛斗充數起發未曾填納之數並與展至夏料止擬已請錢數依市價折納餘更不得催理及別作名目抑配收糴如違許人戶徑赴尚書省越訴向來均糴聞有未還價錢官吏作過互相容

庇仰宣撫司將分依州縣糴本數目曉示人戶勘驗所
支之數如有未還並督責日下支還了當仍具因依申
朝廷黜責向來河北均糴有人戶結攬衆戶合納之數
前去送納如有欠少未足并合補納斛斗並合於結攬
人名下催理不得將衆戶一例搔擾

全唐文

宋會要

通鑑

慶元元年十月二十一日詔朝廷方下廣糴之令如州縣輒敢遏糴許人戶越訴監司不為受理及失覺察仰御史臺彈劾施行從吏部郎中兼權右司張濤之請也

宋會要 附量衡

錦
在
帛

一本無
二字

太祖建隆元年八月有司請造新量衡以頒天下從之
太宗太平興國二年七月十一日詔權衡之設厥有
常制出納之吝謂之有司儻求羨餘必恣招克苟視成
而不戒豈為天下守財之道焉應左藏庫及諸庫所受諸州上
供均輸金銀絲綿及他物監臨官當謹視秤者無得欺
而多取俾上計吏受其弊自今敢有欺度量而取餘羨
其秤者及守藏吏皆斬監臨官亦重致其罪先是諸
州吏及送官物于京師藏吏卒垂鈎為奸故外州吏多
買官物至於破產不能償太宗知其事故詔下禁之
淳化三年三月癸卯詔曰書云協時月正日同律度量

衡所以建國經而立民極也國家底慎財賦較量耗登
既府庫之充盈須權衡之平久如閭拒黍之制或差毫
釐垂鈎為姦害及黎獻宜令詳定秤法著為通規既而
監內藏庫崇儀使劉蒙正劉承珪言太府寺舊銅式自
一錢至一十斤凡五十一輕重無準外府歲受黃金必
自毫釐計之或自錢始則傷於重遂尋究本末別製法
物至景德中承珪重加參定而權衡之制益為精備其
法蓋取漢志子穀拒黍為則廣十黍以為寸從其大樂
尺謂拒黍也樂尺自黃鐘之管而生也就成二術謂以尺黍因度尺而求厘之源起於黍而為寸為分
而求厘黍因度尺而求厘之源起於黍而為寸為分
折分為厘折厘為毫折毫為絲折絲為忽則自積黍而
十忽為絲十絲為毫十毫為厘十厘為分自積黍而

取紫

從積黍而取紫則十紫為一銖二

以紫厘造一錢半

及一兩等二秤各懸三毫以星準之等一錢半者以取

一秤之法其衡合樂尺一尺二寸重一錢鍾六分盤重

五分初毫星準半錢至稍總一錢半折成十五分分列

厘第一毫等半錢當五十五厘中毫至稍一錢折成十分

列十厘末毫至稍半錢折成五分列十釐等一兩者亦

為一秤之則其衡合樂尺一尺四寸重一錢半鍾重六

錢盤重四錢初毫至稍布二十四銖銖下別出一星星

等五紫每銖之下復出一星等五紫則四十中

毫至稍五錢布十二銖銖列五星星等二紫布十二錢之

數則一銖等十紫都等末毫稍六銖列十星星等一紫

每十星等一糸都等以御書真草行三體淳化錢較定實
重二銖四糸為一錢者以二千四百得十有五斤為一
秤之則其法初以積黍為準然後以分而推忽為定數
之端故自忽絲毫厘黍糸銖各定一錢之則錢謂定然
後秤制取忽萬為分一錢之則忽為一分一絲為一分
而著言可絲則千一錢之則忽為一分一絲為一分
分則也一絲則千一錢之則忽為一分一絲為一分
以自忽絲毫定三錢者皆錢之則忽為一分一絲為一分
也厘定為一錢之則忽為一分一絲為一分
百厘定為一錢之則忽為一分一絲為一分
尾毛也或赤金成然以厘為之牛轉以十倍倍之則為一
錢十萬忽十倍謂自一萬忽至黍以二千四百枚為兩
容十萬忽二黍為一兩之則兩者兩命為二千四百
黍定為一兩之則兩者兩命為二千四百
謂以二百四十糸銖以二十四以轉相因成十糸為銖則
定為一兩之則兩者兩命為二千四百

則四銖為一兩之銖者言殊異也遂成其秤秤合泰數則一錢半者計

三百六十黍之重列為五分則每分計二十四黍又每

分折為十厘則每厘計二黍十分黍之四以十厘分二

厘先得二黍余四黍都分成四分則一每四毫一絲

六忽有差為一黍則厘黍之數極矣一兩者合二十四

銖為二千四百黍之重每分百黍為銖十黍為釐二銖

四釐為錢二釐四黍為分一錢二黍重五厘六黍重二

厘五毫三黍重一厘二毫五絲則黍絲之數成矣其則

用銅而鏤文以識其輕重新法既成詔以新式留禁中

取大府舊秤四十舊式六十以新式較之乃見舊式所

謂一片而輕者有十謂五斤而重者有一式既若是權

衡可知矣又比用大秤如百斤皆垂鉤於架植銀於衡環或偃仆手或抑按則輕重之際殊為遼絕至是更鑄新式悉由忝參而齊其斤石不可得而增損也又令每用大秤為顯以絲繩既置其物則却立以視不可得而抑按復鑄銅式以御書淳化三體錢二千四百暨新式三十有三銅牌二十授於太府又置新式於內府外府復頒於四方凡有十有一副詔三司使重較定以御書淳化三體錢二千四百磨令與開元通寶錢輕重等副有司先是守藏吏受天下歲輸金幣而太府權衡舊式失準得目之為姦故諸道主者坐逋負而破產者甚眾又守藏更代有校計爭訟動必數載至是新制既定姦

弊無所措中外以為便 真宗景德二年八月詔劉承珪所定權衡法附編敕而不頒下 四年五月劉承珪言先監內藏庫日受納諸道州府軍監上供金銀凡係秤盤例皆少剩蓋由定秤差異是致有害公私嘗以奏聞尋令校量秤則自端拱元年起首至淳化三年功畢遂詔別鑄法物付太府寺頒行其重定秤法皆上稟睿謨兼參以古法顯有依據永息弊欺切慮言之無文行之不遠今請知制誥趙安仁撰成序一首繕寫以聞乞降付所司以備檢閱從之大中祥符二年五月三司請下太府寺造一斤及五斤秤便市肆使用從之 六年四月劉承珪言先奉詔旨以天下權衡之法不一今詳

定及刊石為記請令所司檢會諸道有銅錫法物州郡
并在京庫務各賜石記一本從之 神宗熙寧四年十
二月十一日詔以太府寺所管斛秤歸文思院 哲宗
紹聖四年十一月十六日戶部言輒增損衡量若私造
賣者各杖一百徇於市三日許人告每人賞錢有差令
轉運司所在置局製造送所在商稅務鬻賣 徽宗大
觀四年二月九日議禮局劄子臣等伏覩陛下度律均
鐘更造雅樂施之天下為萬世法至於禮器尚仍舊制
未聞有所改作禮樂有國之大本而其末起於度數度
數得則權量正法度一而民不疑今禮樂異制不相取
法非所以一民也臣等欲乞明詔有司取新定樂律之

度審校禮器有不合者悉行改正以副制作之意詔律
度量衡先王之制不相襲而歷代亦不同今以身為度
起律作樂則於禮制宜依所奏 四月二十四日朝奉
郎試給事中蔡疑奏臣聞虞舜五載一巡守則必同律
度權衡成王制禮作樂頒度量而天下大服然則度量
權衡之致謹者聖人所以行四方之政也恭惟陛下與
神為謀以身為度因帝指之尺以起鐘律之制奏之郊
廟八音克諧而天地之和應矣臣尚願頒指尺于天下
以同五度五量五權之法區區之愚以今日所用度之
長短知量之多寡權之輕重非將有所增損也特因仍
其舊悉使考協于新尺之度数而定為永法備成一代

之典昭示無窮之詔有司討論施行詔依今議禮局討論申尚書省開封尹李孝偁等奏契勘度量權衡出於一體舊條以積案為數修立成文今來大晟樂尺係以帝指為數昨已奉聖旨頒行天下其量權衡雖據大晟府稱皆於度緣至今未曾頒用本所欲擬舊條修立即度量權衡不出於一欲依樂尺修立又緣既未頒行未敢立法欲乞詳酌先將量權衡之式頒之天下仍修付本所以憑遵依修立成條詔量權衡以大晟府尺為度餘依奏九月十三日工部尚書兼詳定重修敕令權開封尹李孝偁奏看詳度量權衡出於一體內度雖已得旨頒大晟新尺行用緣依政和元年四月十二日

係一作後

勅應干長短廣狹之數並無增損其諸條內尺寸止合
依上條用大晟新尺紐定謂如帛長四十二尺闊二尺
二尺七寸五分闊二尺一寸三分為足以新尺計長四寸
一尺四分新尺計一尺四之二為一尺又如天武等杖五
尺八分以新尺計一尺四之二類如得先當欲作申明隨勅行
分一厘三分厘之二之類
下即不銷逐條展計外有量權衡今候頒到新式續具
修定從之 三年十月二十一日提舉荆湖北路常平
張勳奏竊見諸路皆於會府作院製造等秤給付州縣
出賣往往輕重不等欲望責在諸路漕臣常切檢察須
管依法式製造無令有輕重之異奉聖旨令尚書省措
置勘會民間所用斗升秤等尺依條係諸路轉運司於
所在州置務製造送諸路出賣除留功料之直外以五

分上供餘給本司并近降朝旨依尺製造新尺頒降諸路依樣造新尺出賣其舊尺更不行用及斗秤升等子亦有朝旨令文思院依新尺樣製并依見行法式製造在京并府界諸縣合出賣之數所有外路只降樣前去仍令多數製造出賣訪聞所屬並不遵依條令及所承朝旨廣行製造出賣其餘官司往往未曾依新樣製換易及民間見用斗升秤尺等子多是私造私用與舊官造法物混雜行使無以分別并自領降新法樣製後來未聞有出賣之數不在於度量權衡樣製不一兼於合収出賣價錢暗有虧失欲令文思院諸路轉運司各自今來指揮到日立便約度依元降朝旨合造斗升秤等

尺數目限一季廣行製造除官司應用之數自合給換外依條分送所屬出賣應副民間使用應舊有斛升秤尺等並限半年盡數首納不得隱留如出限許人告首除犯人依條斷罪外每名支賞錢二十貫仍先具措置施行次第申尚書省詔並依 四年九月二十六日文思院下界奏契勘本院見奉行聖旨指揮別置斛秤一作除已申請到乞收造斛秤行人和雇製造等畫一遵依施行外今續條具到下項一契勘新法斛秤見依朝旨限一季廣行製造降樣付諸路轉運司及商稅院出賣今來即未有行使期限欲乞在京及外路並自政和五年正月一日奉行一契勘鐵鍋法物並合改造頒降

在京官司及天下州軍今來萬數浩大即難以齊寫造較定應副今欲乞先次料造物法一百副除在京緊切給納庫務逐急製造交付外其餘官司及諸路州軍並許令將見舊法物赴院送納請換充支新法物行使所有今來先造一百副合用銅數於本院刻帳管取般銅並無見在委是見闕乞下戶部計置應付一契勘新造斛秤朝旨降樣付諸路轉運司製造出賣所有造到斛秤合用團條火印亦合給降今欲寫造火印三百副逐旋頒降使逐路轉運司從之五年二月三日少府監言文思院下界造新降權衡度量今承朝旨權住製造竊慮合且依舊樣製造送商稅院出賣候降到許造新

樣即行住罷又奉詔限一月製造皇太子出閣合用秤
及賜食院製造斛秤續承降到大晟新法斛秤製造頒
降間承尚書省劄付權衡度量權住製造即無却行製
造太府寺斛秤之文是致造作前項緊急生活應付未
得乞下院具依太府寺法製造詔並權依舊製造餘依
宣和七年十二月十三日尚書省言左司員外郎閻
孝悅奏臣聞嘉量之製具在方冊而愚民無知趨利冒
禁姦弊百出自為高下至於割移規模增加裝具害法
蠹民莫此為甚欲望聖慈明詔上方鑄銅為式頒之天
下以正私偽庶使童子適市莫之敢欺以比隆二帝三
王之盛豈不韙與尚書省措置參酌擬修下條諸增減

斛升秤尺等若私造私用及販賣者各杖一百增減私
造仍五百里編管私用及販賣並令衆三日以上許人
告巡察人知而不糾杖八十告獲斛升秤等尺私用及
販賣錢二十貫增減若私造錢五十貫從之十朔二十
九日詔戶部支錢五百貫令文思院依臨安府斛斛務
造成省樣升斛秤尺等子依條出賣其錢循還作本仍
先次製造樣制法則頒降諸路漕司依式製造分給州
縣貨易行使其民間見行使私置升斛秤尺等子候官
中出賣日並行禁止如或違犯並依條施行 紹興二
十年二月二十七日右承議郎利州西路安撫使司主
管書寫機宜文字吳援言商賈細民私置秤斛州縣雖

傳一作轉

有著令然私相傳用習以為常至有百里之間輕重多寡不同望下有司申嚴法令置造刊鑄字號量立價錢許人請買非官給者重行責罰從之

宋會要

諸郡進貢

太宗太平興國二年閏七月二十八日有司上諸州所貢閏年圖故事每三年一次令天下貢地圖與版籍偕上尚書省國初以閏為限所以周知地理之險易戶口之衆寡焉至是吳晉悉平奉圖求獻者州郡樂於四首端拱二年六月二十三日潭州上言於湘陰縣長樂江九乳灘下鍾制作精妙上有古篆八十三字人不之識畫圖以進真宗景德元年六月十五日詔川陝廣南福建諸州自今承天節三千里內仍舊入貢其外止具表以聞大中祥符元年七月四日命知誥周起閣門

祇候侍其旭編排東封路進奉先是朝陵沿路士庶貢物俟有司給賜頗至稽滯及是命起等主之八月五日詔天下及蕃國以東封遣使貢方物知盡輦赴泰山重成勞費今三司除充庭貢之外並於東京進納止使人齎表泰山陪位 仁宗天聖六年五月二十六日詔河南府每年進牡丹花櫻桃自今止於係官園內有處採取供進從樞密直學士李及之奏請 八年十二月二十八日中書門下言御史臺母遇郊社於常朝文武百官料錢內等第分減充進奉馬價錢郊裡畢迴賜元進人又多差出難為勘會今後欲令於騏驎院借馬充進從之 景祐元年四月二十三日知江寧府李若谷言

乾坤節常年進奉銀一千兩絹一千疋伏緣當府不產銀只是配買累歲災傷人民貧困已將省庫見管土產細絹二千疋上進候豐稔依舊買銀進奉詔今後買銀並依市價不得虧損人民六月十六日起居舍人知諫院郭勸言江淮發運使劉承顏進輪扇浴器乞宣示百官毀擲誕布中外不得以此進獻帝曰扇車給還浴器元不進獻諫官御史章䟽更體訪審寔寶歷四年五月十五日撫州上金谿縣戰坪所得生金山重三百二十四兩帝初令送左藏庫而二司言瑞物宜留禁中乃藏於龍圖閣瑞物庫皇祐三年十二月二十五日帝謂宰臣曰臣僚謝恩進馬納直四十千清貧可憫宜自

今與減半價永為定制龐籍曰臣子進獻君父不當計高下之直聖恩憫察天下幸甚皇祐五年五月八日中書門下言自來諸路轉運司進羨餘錢物入助三司多是將要用錢數充進後却致本路闕用即於民間無名刻剥或將稅物估高價逼勒折納見錢以充支費致民力困匱深可哀憫詔逐路轉運司今後如本路錢數的是有餘或因轉易所得委不侵虧煩擾吏民方得供進如違重行責降神宗熙寧二年二月二十五日詔左右街僧道錄每遇大禮畢倒皆貢銀稱賀令客省引進訖即時當官給付元進奉人十一月二十六日詔諸路州軍今後慶賀進貢金銀物帛並止具表件析物數

以聞貢物候上供綱運同附上京 徽宗政和六年四月二十三日詔自今不許監司守臣以供奉進獻為名貢花株果木海錯什物等其見計置下緡錢物色指揮到日撥歸元來去處若輒存留錢物並當以自盜論令御史臺覺察聞奏 孝宗紹興三十二年六月十三日登極赦應諸路帥臣監司郡守許依例進貢推恩 十一月四日戶部侍郎向伯奮等言准已降旨將來聖節諸路監司州軍令進金銀錢絹等緣天申節已行進奉權與蠲免今夔州等路有發到進奉物及以後諸路州軍起到數乞下左藏庫交納理作來年進奉從之

全唐文

宋會要詔令八頁

徽宗政和七年八月十六日詔黎人久為瓊管遺患令其入貢頗有慕義之心沿路券馬請給可令所部監司守臣加等給賜所到州縣設務令豐備授衣月近特賜錢五百貫令置寒服候到畿甸先具數申尚書省於權貨務支幘頭帽子公服腰帶給賜

歷代土貢

太宗太平興國八年九月二十一日詔廣州歲貢藤每斤去鉞麤中用者纔三兩大通治歲輸鐵尚方鑄兵器鍛鍊外十纔得其四五自藤取其堪用者鐵先鑄成器俾工官淬治之無使負重致遠以墮民力 淳化三年

八月十九日詔暉州歲貢阿膠先是煎膠參用諸藥發
民汲井供用取水一人所能荷者輸錢三十自今勿復
用此藥以州兵代民汲水逖民取水勿責其直 真宗
太宗祥符五年九月二十八日詔諸道州府自今土貢
並以官物充如無以省錢收市不得配率 仁宗明道
二年六月二十五日侍御史知雜李絳言諸州歲貢魚
果因送遺羣臣謂之貢餘挾持遐遠 無搔擾乞行禁
止詔自今應供歲貢委三司減節常數羣臣不得因相
餉遺 慶曆七年九月八日詔中舊制止絕天下毋得
以貢餘為名饋遺違者許人陳告 皇祐三年十一月
二十七日詔諸道歲貢茶果飯食諸物係災傷州軍並

令止絕

英宗治平四年十一月二十五日神宗即位

未改元詔化殿煎造果子今後郊禮供進其在京不產者以別果瓜充代更不下外州軍煎造 神宗熙寧元

年十二月尚書戶部上諸道府土產貢物開封府麻黃五十斤酸棗仁伍斗河南府峭粉八兩青州仙紋綾一十五匹棗一萬五千顆蜜州布二端海蛤一匣子齊州陽起石一百兩白礪礬二十三兩沂州茯苓五斤仙苓脾五斤萊州七孔決明五斤濰州綜絲絕一十匹淄州防風三十斤兗州雲母粉一片白羊石五兩黑羊石五兩茯苓七斤半青礪石一片仙苓脾一片赤箭草七斤半曹州絹二十匹葶蘆子三升四合濮州駝絨布二匹

毛布二匹襄州大青茅藍十五兩母獐皮五十張鄧州
絹一十匹白菊花五十六斤隨州絹三十匹滑州絹三
十匹蔡州蠶虫水蛭各二兩棣州絹一十匹德州絹一
十匹廣州絹一十匹恩州綾三十匹邢州解玉砂一百
斤懷州牛膝五十斤汝州絕子二匹磁州磁石五十斤
磁玉一十斤永興軍酸棗仁五斗地骨皮一十斤同州
編紋靴材一副華州茯苓四十四斤商州麝香二十斤
寧州菴蘭蒿子一十斤乾州栢實一十斤儀州弩絃麻
皮三十斤絳州防風二十斤半黃蠟二十斤半忻州解
玉砂五十斤澤州白蜜五斗石英二十五兩亳州絹一
十匹黃州紵布一十匹越州綾一十匹萬緋紗一十匹

祕色甕器五十事蘇州白塏一十秤湖州白編布二十
匹明州乾山藥一百片烏壁骨二十片台州天壽根三
片甲香三斤鮫魚皮三十張睦州交樓絹一十匹布五
匹白蜜五十斤宣州黃連一十斤歙州白滑表紙一千
張大龍鳳墨一百錠信州白蜜五十斤用銀瓶二隻盛
虔州白布一十匹鼎州布一十匹益州大花羅六匹高
紵布一十匹眉州麩金三兩蜀州春羅四匹嘉州麩金
三兩邛州絲布二匹黎州紅椒二十斤簡州綿綢二十
匹梓州白熟綾一十四匹遂州檉蒲綾一十匹資州麩
金五兩普州絹一十匹昌州絹一十匹渠州冒子木二
大片洋州隔織三匹麝香五臍閬州綾一十匹劍州巴

戰三片巴州綿紬五匹木藥子一百顆蓬州綜絲綾一
十匹龍州附子一斤側子八兩羚羊角四具烏頭八兩
集州木藥子一千顆山荳根一十兩達州藍紬五匹施
州木藥子二大片開州車前子一斗二升黃蠟一十斤
涪州絹一十匹紬五匹渝州絹一十匹漳州甲香五斤
鮫魚皮二十張連州細布一十匹元豐三年二月十
二月詳定朝會儀注所言唐高書戶部主貢物大朝會
則陳之國朝舊儀元正朝賀所陳貢物僅存其名蓋有
司之闕謹稽按圖誌推原州郡物產之所宜輕重多寡
稍為條次京東路南京絹二十匹兗州花綾十匹墨百
斤茯苓雲母防風紫石英各十斤徐州雙絲綾紬絹各

一十匹曹州絹十匹葶蘆子三升青州綾二十匹鄆州
絹十匹賓州絹十匹牛黃三兩齊州絹十匹綿百兩陽
起石防風各十斤濟州阿膠三十兩沂州紫石英仙靈
脾茯苓各十斤鍾乳三十兩濰州紋綾二十匹登州牛
黃三兩金十兩石器十萊州牛黃三兩牡蠣海藻各十
斤石器十單州蛇床防風各十五斤濮州絹十匹淄州
綾十匹防風長理石各五斤淮陽軍絹十匹餘十五路
稱是見元豐三年九域志又言夏言冀州以帝都入穀
不貢異於餘州唐地理志京兆河南府皆有貢今開封
府雖不列於諸州亦宜復土貢並從之仍詔貢物應貢
者給省錢偶無者聽以他物代並逾夫傳送 徽宗崇

寧三年二月四日講議司送到叅詳官林據劄子近因
叅考殿中六尚之制見供奉所須之物多市於諸州甚
非所以奉至尊彰洪業也伏望脩斷特命有司盡講天
下土貢之法行之以所在坊場錢充用庶幾名正實顯
久而可行詔令諸路轉運各據地土所出具合貢名件
聞奏 政和三年三月七日夔州路轉運判官龐恭孫
奏建置玆州歲貢細茶芽十斤黃蠟二十斤候本州起
稅了當每遇天寧節及大禮依例進奉銀絹梓州路轉
運司狀建置純滋州并管下縣城寨堡所有逐州每年
合發進貢夔州路新建州郎事體一般欲乞依夔州路
轉運司已得指揮施行從之七月十四日戶部奏宣德

郎權勾當內香藥庫曾安強契勘本庫受納諸州土貢
欲乞依崇寧歲貢六尚供奉令知通躬親監視選擇用
袋入本庫臣名封印申發本部今勘當欲依本官所乞
事理施行從之十月十七日殿中省奏勘會諸路貢物
官司計置不依時暴涼不如法以致損壞起發不依限
者已有崇寧敕各從杖一百斷罪外若係被差管押擔
擎之人起發在路故違程限或津般安放不謹從來未
有約束本省今相度欲乞諸州應差管押擔擎貢物之
人若沿路無故稽程或津般安放不謹致有損壞罪輕
者杖八十從之 五年十二月二十五日壽州狀檢承
政和諸路歲貢六尚局格淮南路壽州揀蜂兒一百斤

緣本州自來不是出產去處安豐一縣土產不多契勘
本路廬和舒無為軍等州縣各有土產地分伏望將本
州合貢數目同共承認供奉歲貢詔從之仍減三五十
片 高宗建炎四年六月十日中書門下省言四川每
年合赴內東門司及內藏庫送納進貢匹帛累年不到
詔令張浚催促依年例送納如有已起在路及截留椿
管數目並仰津發赴行在送納 紹興三年五月十四
日都省言揚州依格合發土貢細紵布係是溫泉州出
產之物本州累經殘破目今並無客販望權蠲免二年
候將來成井邑起稅賦日依舊從之 二十九年閏六
月十六日詔建康鎮江府見今起發水段道路迢遠勞

費人力今截日止住津發 三年四月九日荆湖南路

轉運司

言全州出產斑竹置造器坑况全人之產鮮豐

而土

衆之出不厚所籍斑竹戶虛占民力欲望免罷如

朝廷須索臨時製造兼乞禁止本州不得於肆源人戶
取索斑竹其籍定人戶却承受本等色役從之 十年

十二月進奏院上諸路貢物青州仙紋綾一十匹棗一

萬一十顆濰州綜絲絙一十匹隨州絹三十匹慶州紫

茸白花毯四領邢州解玉砂一百片亳州絹一十匹新

州白花蛇五斤海州獐鹿皮二百張越州綾一十匹鼎

州布一十匹成都府花羅六匹高紵布一十匹昌州絹

一十匹遂州檉蒲綾一十匹簡州綿紬二十匹洋州隔

織三匹蜀州春羅四匹梓州綾一十匹蓬州綜絲綾一
十匹泉州花素絲布二百匹

宋會要

禁珠玉 貢珠玉 獻珠玉

太祖開寶五年五月太祖遣小黄門以廣州進納拆到
劉鋹先居殿宇梁柱上瑇瑁數片及收復之時兵火燒
殘真珠數千顆宣示宰臣仍令速降宣命示諭嶺南道
今後不得更差人採取真珠史本先是劉鋹之據嶺南
也於其管內海門鎮招置兵士二千餘人目為媚川都
惟以採珠為務皆令以石碓足蹲身入海沉水而下有
至五百尺深者咽溺而死者無日不有所獲真珠充盈
於府庫人莫知其數又所居殿宇皆以瑇瑁飾其梁棟
及王師收復之際一旦盡為兵火所焚至是知廣州潘
美等言其事乃詔廢媚川都因令美等閱其兵士籍其

貢

禁

少壯者千餘人立為靜江軍老弱者放歸田里仍詔廣州管內百姓今後不得尚襲餘風以採珠為業由是嶺南之俗稍息其游惰復歸於農業也太宗太平興國五年九月容州採珠場貢珠百斤賜牙校及負擔者銀帶衣服七年八月海門採珠場獻真珠五十斤徑寸者三枚雍熙元年十二月詔曰敦本抑末教化於是興行抵璧捐珠浮靡於焉止息朕祇承丕構緬慕古風思欲崇尚儉朴革去澆競却難得之奇貨復大化之淳源宜自我先以率天下其嶺南諸州採珠場罷之官私毋得採販仁宗天聖三年五月詔閩廣州採珠場聽民戶採取止收稅錢自來有何條約宰臣王欽若等言先朝累有

條約蓋以海上採珠之民深入淵潭為利所誘不顧生命比至出水多至殞絕故憫此艱苦下令禁止况珠玉寒不能衣饑不可食歷代聖帝明王寶穀貴賢不以貨為貴帝曰卿等所言是也 景祐四年正月二十七日衢州客毛英言將產業於蕃客處倚富賒真珠三百六十兩到京納商稅院行人估驗價例稱近降詔禁止庶民不得用真珠耳墜項珠市肆貿易不行只量小估價緣自賣下真珠方得限錢納稅無所從出乞封回廣州還與蕃客詔三司相度許將真珠折納稅錢 康定元年二月二十九日殿中侍御史陳洎言乞將真珠折馬價據權三司度支判官劉沆等減定見賣真珠等第價

直錢數詔依所定施行

續通鑑長編神宗熙寧四年

海州樓戶如自造船入海採珠印從其便貧者聽土人收養更不科罪所貴海戶無飢窮流徙之人從之

神宗熙寧五年七月四日河北沿邊安撫司奏勸會到

四榷場真珠已賣未賣數御批訪問客人多却自榷場

販到京師出賣可令雄州據未出賣盡底勾收因走馬

承受赴關管押上京置場出賣 七年正月一日詔定

諸廣南真珠已經抽解欲指射東京西川貿易者召有

力戶三兩名委保赴稅務封角印押給引放行各限半

年到指射處與免起發處及沿路稅仍俱邑額等第數

目先通報所指射處照會候到日在京委當職官估價

每貫納稅百錢在西川委成都知府通判監估每貫收

稅二百錢出限不到約估在京及西川價報起發處據
合納稅錢勒保人代納即私販及引外帶數或沿路私
賣及買人各杖一百許人告所犯真珠沒官仍三分估
一分價錢賞告人 徽宗大觀二年十一月十九日禮
部狀修立到下條諸非品官之家不得以真珠為飾詔
從之三年十二月二十一日詔今後真珠更不許計置
上洪只許就本處買賣循環作本即不得因緣阻節有
失招徠之意 高宗建炎元年十月十二日宰執詣御
舟御榻前奏事訖上曰昨日有內侍至自京師齎到內
府真珠等物一二囊朕授之泔水矣黃潛善曰可惜有
之不必棄無之不必求上曰太古之世摘玉毀珠小盜

不起朕甚慕之庶幾有以息盜爾 孝宗乾道四年十月九日權知廉州唐俊乂言本州昨蒙降詔罷貢真珠然官吏採取日甚日至逼勒蠻戶深入無涯之淵墜身殞命皆不知恤期於得珠而後已乞行下本路監司嚴行禁戢速具職位姓名按劾聞奏從之

宋會要

高宗建炎元年十月十二日宰執詣御舟御榻前奏事
訖上曰昨日有內侍至自京師齎到內府真珠等物一
二囊朕授之汴水矣黃潛善曰可惜有之不必棄無之
不必求上曰太古之世璫玉毀珠小盜不起朕甚慕之
庶幾所以息盜爾

宋會要

淳熙三年九月二十五日參知政事龔茂良李彥穎奏謝外日蒙恩宣示宮禕衣臣茂良等奏寒遠盡生獲觀儀物之盛實為榮遇上云珠玉之屬乃就用禁中舊物所費不及五萬緡臣等奏云若不因宣諭臣等無由得知支用如此不多上云朕安肯於此妄有所費因宣諭近來風俗如何莫大段奢靡否茂良等奏輦轂之下近年似稍侈皆由貴近之家倣倣宮禁以故流傳民間如鬻簪珥者動必言內樣彼若如聖意崇尚敦樸亦必觀感而化上云若要革弊當自宮禁始茂良等奏云仁宗皇帝嘗以南海沒入蕃商大珠賜溫成皇后時為貴

妃以充首飾戚里靡然效之京城珠價至數十倍仁宗聞其事因禁中內宴望見貴妃首飾不復回顧云滿頭白紛紛殊無忌諱貴妃皇恐易之仁宗大喜命剪牡丹漏賜妃嬪不數日問京城珠價頓減久之貨幣不行上喜云此事誠當始於宮禁茂良等奏古人謂動民以行不以言今陛下深究治道之原中宮又以儉德著聞躬行于上何患弊俗不革上曰然

宗會要 卷五

真宗大中祥符九年正月秦州宗歌姬次回訖李四等貢玉送內藏庫召玉人估價售之凡玉大小三十九團內一團非玉是楊廣石不中用外省聽除夾石膩氣古

站內侵石間道煙膩氣內侵煙散顏色青次及病色深
損傷等各人釵篦腰帶用共估錢四百餘千詔依估價
賜錢非玉者令禮賓院給還之

宋會要 秋五

高宗建炎四年三月七日宰執進呈宣撫處置使張浚
奏大金國進奉珠玉寶貝等物已至熙州上曰大觀宣
和間茶馬之政廢川茶不以博馬惟市珠玉故馬政廢
關武備不修遂致胡虜亂華危弱之甚今若復捐數十
萬緡貨易無用珠玉曷若愛惜其財以養戰士不若以
禮贈遺